

Naalakkersuisut attartornermut peqqussutip allannguuteqartinnissaat, ineqarnermut akiliineq bankip qaamatini ulloq kingulleq ammaffianut nuunnissaanut aalajangiiffigisassatut siunnersuut
(Inatsisartunut ilaasortaq Justus Hansen, Demokraatit)

pillugu

Sanaartornermut ataatsimiititaliap

ISUMALIUTISSIISSUTAA.

Siunnersuutip aappassaaneerpeqarneranut tunniunneqartoq.

Suliarineqarnerani Ataatsimiititaliaq ukuninnga inuttaqarpoq:

Inatsisartunut ilaasortaq Kalistat Lund, Siumut, siulittaasoq
Inatsisartunut ilaasortaq Mala Høy Kuko, Atassut, siulittaasup tullia
Inatsisartunut ilaasortaq Anders Olsen, Siumut
Inatsisartunut ilaasortaq Jens-Erik Kirkegaard, Siumut
Inatsisartunut ilaasortaq Bendt Kristiansen, Inuit Ataqtigiit

UKA 2016-imi ull. 26. Oktober siullermeereernerani siunnersuut ataatsimiititaliap misissorpaa.

Siunnersuutip imaa aamma siunertaa

Siunnersuuteqarnikkut siunertarineqarpoq, attartornermut peqqussutip allanngortinnissaanut saqqummiussinissamik Naalakkersuisut peqquneqarnissaat, taamaalilluni ineqarnermut akiliineq siunissami ulloq taanna pisortanit pisartakkat aningaasarsiallu amerlanerit kontomut ikineqarneranni ingerlanneqartalissalluni.

Siunnersuutip Inatsisartuni siullermeerneqarnera

Siunnersuutip siunertaa pitsaasuusooq nalinginnaasumik isumaqataaffigineqarpoq, siunnersuummili pissutsit arlallit kiisalu siunnersuuteqartup tungavilersuutai ajoraluartumik sanioqqukkuminaatsuusut.

Ilaatigulli nalornissutigineqarpoq ullut 14-ikkaarlugit aningaasarsiallit siunnersuuteqarnikkut aamma ikiorserneqarsinnaanersut. Maluginiarneqarportaaq attartornermut peqqussummik ataatsimut isigalugu aaqqissuusseqqinnissamut pilersaaruteqartoqareersoq. Tamanna

tunngavigalugu siunnersuut Sanaartornermut ataatsimiititaliami isummersorfigisassatut innersuussutigineqarpoq.

Ataatsimiititaliap siunnersuummik suliaqarnera

Ineqarnermut inatsisitigut ajornartorsiutaasinnaasut ataatsimiititaliap arlaleriarluni isiginiartarsimavai, siunnersuullu siumut isiginnittoq aaqqissuuteqarnissamillu tikkuussisoq ataatsimiititaliap nuannaarutigaa, tamannami pisortanit attartortitsisunit aamma inatsisitigut naleqqusnaanikkut innuttaasut pitsaanerpaamik qanoq kiffartuunneqarnissaannut isummersornissamat pissutissaqartitsilerpoq.

Akiligassatigut kinguaattoorutit amerlanerat inigisamiillu anisitsisarnerit taakkununga attuumassutillit ataatsimiititaliap aarlerinartoqartippai. Anisitsisarnerit attuumassutilinnut tamanut sunnuteqartarput, inuuniarnikkullu ajutoorluinnarnermik kinguneqarsinnaasarlutik. Tassungalu atatillugu aamma takuneqarsinnaavoq Kalaallit Nunaanni angerlarsimaffeqanngitsutut inuuneq pillugu Statens Byggeforskningsinstitut-imit misissuineq SBI2013:12.

Ataatsimiititaliattaq maluginiarpa, inisseeqqinnermut aamma ininut attartorneqanngitsunut il.il. akissaajaatit pisortat inissiaataanni ininut immikkoortortaqaqfinni attartortunut allanut tutsinneqartarnerat. Tamatumani attartortut aningaasaqarnerat pitsaanerulersinnaasoq naatsorsuutigineqarsinnaanngilaq, inillu pitsaanerulernerinik kinguneqarnaviarani. Attartornermik ajornartorsiuteqartarnek pillugu Sanaartornermut ataatsimiititaliaq UPA 2014/34-imut isumaliutissiissummi ima allappoq:

Periarfissat allat

Ataatsimiititaliap misissuinermini ilisimalersimavaa Ineqarnermut tapiissutisinissamat aningaasanut killiliussat, nammineq akileeqataassutissat kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersornerullutik Oqartussat nalunaarutaat nr. 12, 28. maj 2003-imeersoq atuutilersinneqarsimasoq Inatsisartut Peqqussutaat nr. 3, 31. maj 2001-imeersoq naapertorlugu. Inissiani attartortittakkani ineqarnermut tapiissutit killiussanik aningaasartalerneqarnikupput, taakkulu 2003-miilli iluarsisuteqarfigineqarsimannngillat. Kalaallit Nunaanni Naatsorsueqqissaartarfimmit paasissutissanik pissarsereermermi maluginiarneqarsinnaasimavoq piffissami januarimi 2003-miit 2013-imi juulimut atuisunut akit 32,6 %-imik qaffariaateqarsimasut, taamaallaallu piffissami 2008-mi januarimiit 2013 -imi juulimut ineqarnermut akigitinneqartartunut naleqqersuut 28,7%-imik qaffariaateqarsimasoq.

Piffissami 1.4.2003-miit 1.4.2013-imut SIK-mi akissarsiat qanoq qaffassimanerat takussutissiissutigineqarpoq. Niuernermi allaffissornermilu ikiortip akissaateqarfimmi kingullermiittup SIK-mik isumaqatigiissut § 3 naapertorlugu tunngaviusumik akissarsiai 25,2 %-imik qaffassimapput. Isumaqatigiissummi tassani fuldmægtigip akissaateqarfimmi kingullermiittup isumaqatigiissut taanna naapertorlugu tunngaviusumik akissarsiai 21,2 %-imik qaffassimapput. Taamaalilluni nalinginnaasumik innuttaasooq akitigut annertuumik qaffariaammik nalaataqarsimavoq, taamatuttaarlu ineqarnermut akiliutigisartakkatigut. Naak akissarsiatigut ineriartorneq ilaatigut akitigut ineriartornermut malinnaasimagaluartoq, taava SIK-mi ilaasortanut akissarsiatigut pisisinnaassuseq appariaateqarsimasooq maluginiartariaqarpoq.

Kalaallit Nunaanni Naatsorsueqqissaartarfimmit paasissutissat ilanngussaq 1-itut tapiliunneqarput.

Qulaani naatsorsuineramik inerniliussat tunngavigigaluaaraanniluunniit Ataatsimiititaliaq isumaqarpoq, ineqarnermut tapiissuteqartarnermi killissarititaasooq iluarsineqarsimanngitsoq, tamannalu nunami isertitakinnerpaanut immikkut eqquisimasooq.

Taamaalilluni Ataatsimiititaliaq isumaqarpoq inissianik attartortitsinermut peqqussutip naleqqussarnerata saniatigut aamma aningaasatigut killissarititaasut ineqarnermut tapiissuteqartarnermut peqqussut naapertorlugu aalajangersarneqarsimasut iluarsiiiffigineqartariaqartut.

Ataatsimiititaliap aamma maluginiarpaa, pissutsit qulaani isiginiarneqartut Akileraartarnermut Atugarissaarnermullu Ataatsimiititaliap isumaliutissiissutaanut 2011-meersumut naapertuuttut.

Kiisalu Ataatsimiititaliaq isumaqarpoq, attartortitsisup aamma aattartortup akornanni pissutsit ineqarnermut peqqussutikkut maleruagassiorneqassasut, kiisalu isumaginninnermut naalakkersuinikkut iliuutsit isumaginninnermi inatsiseqarnikkut ingerlanneqartariaqartut. Ataatsimiititaliaq isumaqarpoq, Naalakkersuisut taamatut tunngaviusumik isummamut isumaqataasut.

Immikkoortup uuma suliarinerani ataatsimiititaliap maluginiarpaa, Ineqarnermut tapissuutit pillugit nalunaarummi pissutsit amerlasuut ullumikkumut naleqqussarneqarsimammata, taamaallaallu pineqanngilaq innuttaaqatitta inissaqartinnerisa isumannaarnissaanut pingaaruteqarluinnartutut attuumassutilik tassaasooq akigitatigut killiussat.

Ataatsimiititaliap taamaalilluni paasivaa, attartornermut peqqussutip tassungalu atatillugu

inatsisinut tunngasut attuumassutillit allanngortinnissaannut arlaleriarluni kissaateqartoqartarsimagaluartoq, maluginiarneqarporli susoqarsimanngitsoq.

Ullut 14-ikkaarlugit akissarsiallit ikiorserneqarsinnaanerannik periarfissamik ajornartorsiut ataatsimiititaliap aamma isummersorfigaa, ataatsimiititaliamiilli annertunerusumik aaqqiissutissaq qanillatorneqarsinnaasimanngiliq.

Illuatungaaticulli ataatsimiititaliaq naliliivoq, tamatumani aaqqiisoqarsinnaasuuppat allat pinartumik eqqunngikkaluarlugit innutaaqatitta ilai piffissaatillugu ineqarnermut akiliutip akilernissaanut ikiorserlugillu tapersersinnaagivut, taavalu misiliisoqarluni, ullummi 14-ikkaarlugit akissarsiallit akiliinissamut ajornartorsiutaannut iliuuseqarnissamut allatigut ujartuisoqartariaqarmat.

Siunnersuutip aningaasaqarnikkut kingunissai

Aalajangiiffigisassatut siunnersuutip piviusunngornerani aningaasarnikkut allaffissornikkullu kingunissai siunnersuutip tunngavilersuutitaani allassimassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuutip piviusunngornerani aningaasaqarnikkut kingunissai siunnersuummi taamaalillutik suliarineqarsimanerat ataatsimiititaliap maluginiarpa, attartornermummi peqqussummi paragraffip ataatsip annikinnerusumik allanngortinnerani tassunga aningaasartuutissatut attuumassutillit annikilluinnartuussasut naatsorsuutigineqarpoq. Taamaattumik aningaasartuutit Naalakkersuisoqarfimmi nalinginnaasumik tullerriiarineranut ilanngunneqarsinnaanerata naatsorsuutigineqarpoq.


Tamatuma saniatigut siunnersuuteqartup taavaa, ineqarnermut akiliuteqartarnikkut pisortat innuttaasunit annertunerusumik isertitaqarnissaat naatsorsuutigisariaqartoq, ineqarnermummi akiliut attartornermut peqqussutip allanngortereerneratigut piffissami innuttaasup kontomini suli aningaasaateqarnerata nalaani ilanngaaticineqarsinnaassagunarmat. Taamaattumik naatsorsuutigineqarpoq siunnersuutip toqqaannartumik malitsigisaanik innuttaasut pisortanut akiitsui annikilleriaateqassasut.

Ataatsimiititaliap inassutai

Inatsisissap suliarineqarneranut atatillugu ullut 14-ikkaarlugit akissarsialinnut aaqqissuussinerusinnaasut Naalakkersuisunit isumaliutigineqarsinnaanerannik paasinnilluni

siunnersuut akuerineqassasoq ataatsimiititaliap isumaqatigiittup inassutigaa.

Taamatut oqaaseqarluni isumaliutissiissummilu allassimasutut paasinnilluni Ataatsimiititaliap siunnersuut aappassaaniigassanngortippaa.




Kalistat Lund, siulittaasoq

Mala Høy Kuko,
siulittaasup tullia



Bendt Kristiansen



Anders Olsen



Jens-Erik Kirkegaard